

vyfftych pund honoverscher penninge dersulven weringe alse  
 vorfcreven is, unde wan wy den wederkop don willen, dat  
 schulle wie Johanne Munder, dewyle he lebed, unde na sinem  
 dode den olderlüden to deme hilghen Cruce, en halff jar  
 tovoren wylif don unde gheben on denne de vorbenanten  
 summen unde of darmede de bedagen <sup>1)</sup> gulde, isst der wat  
 vorfseten <sup>2)</sup> were, deger <sup>3)</sup> unde al an einem hope uppe de  
 vorfcreven tyd, alse set dat geborde na utwysinge der vor-  
 fcreven loskundegynge sunder jenigerleie hinder unde vortoch,  
 schadelos unde unbeworen. <sup>4)</sup> Desset love et Dyderik vorbenant  
 vor my unde vor myne erben deme êrbenanten Johanne  
 Munder, sinen testamentarien unde deme holdere desseß breves,  
 unde na Johans dode den êrbenanten olderlüden to deme  
 hilghen Cruce to Honover stede, vast in guden truwen sunder  
 alle lyst wol to holdende. Bortmer et Hinricus van Edinge-  
 rode prester, des vorbenanten Dyderikes sone, bekenne vor my  
 und vor myne testamentarien, unde et Brun van Edingerode  
 des êrbenanten Dyderikes broder, bekenne vor my unde vor  
 myne erben, dat desse vorbenante cop geschen is myt usen  
 guden willen unde vulborde, unde wy willen unde schullen  
 dat stede unde vast holden wat us des andrepnde <sup>5)</sup> is.  
 Desset love wy deme êrbenanten Johanne Munder unde  
 sinen testamentarien unde deme holdere desseß breves ane ore  
 wedersprake, unde na Johannes dode den vorfcrevenen older-  
 lüden sunder jenigerleie hinder unde insaghe in guden truwen  
 to holdende, unde hebben des to vurder bekantnisse use in-  
 gejegele of gehenget an dessen breff. Gheben na godes bord  
 vertein hundert jar darna in deme vyff unde drittigesten jare  
 in sunte Gallen daghe.

S. Tiderici de (Die anderen Siegel fehlen.)  
 Edingerode.

1) = fälligen. — 2) vorset, vorsat = rückständige Schuld. —  
 3) = völlig. — 4) = unbehindert, frei, gut. — 5) andrepen = betreffen.